

解剖学の 実習と要点

門裕之
右忠之
山田西
福嶋仲
共著



浪穹縣志

卷一 天文志 星圖

分野

卷二 輿地志 輿圖

疆域 形勢附 山川

古蹟 勝覽 冢墓附

村屯 街子附

風俗 物產

道光壬寅冬鐫

浪穹縣志

板存學宮

浪穹縣志序

嘉慶丙子歲先大父鑑堂公藩滇歸告
余昆季曰金馬碧雞之雄峙昆明池之
壯濶稱於域中久矣暇日登臨洵不誣
也聞西迤名勝有所謂點蒼山西洱河
者極秀無因而至道光己亥歲次泉先

兄宰浪穹歸告余曰浪穹之標山諸峰
皆奔赴於蒼山也浪穹之茈碧湖即洱
水所發源也地雖瘠而尚儉民雖貧而
崇樸土俗文風經我

國家教養涵濡幾與郡埒未可以僻陋視
也余心識之辛丑歲奉

命觀察西迤駐大理郡屬令樊君請修志蓋
縣志未修迄百數十年因仍其舊不惟
有散失之虞且有缺略之憾也子重其
請告竣後以稿質並問序於予余固有
巡視之責一一繙閱如周覽焉文章與
政治相因樊君汲汲於志乘之修則其

留心於政治也可知即志乘之完備而
一邑之政治有廢必舉也可知予既幸
先人之宦蹟得諸親歷而又嘉樊君之
宰一邑實以一邑之事為己事也遂為
之序

欽命分巡西迤兵備道南豐趙德潯撰

浪穹縣新志序

浪穹之名何昉乎肇於南詔沿革不
一至元設浪穹千戶後改為縣與鳳
羽縣並立明時復廢鳳羽併為一縣
國朝因之統隸於大理府余莅任踰
年因上關以北地震親往督辦撫卹

過浪邑住經旬日見其士習詩書民
安耕鑿風土人情較他邑為勝官斯
土者往往稱易治焉縣有舊志明萬
厯間邑人何邦漸手著康熙初年李
崇階復加編輯迄今一百數十餘載
殆無繼作其間損益不無異同繁簡

不無殊尚而且忠義節烈仕宦科名
鄉賢事蹟流寓芳徽有舉廢而不知
何幽潛之能闡即有一二嗜古之士
欲留心採訪亦輒嘆文獻之不足徵
倘任其日久就湮何以維風化而昭
懲勸留紀載而待輶軒之採乎嗚呼

官之係乎地方與地方之係乎志乘
者亦綦重矣又齋大令由詞館出宰
下車以來政成人和留心典籍慨是
志多歷年所殘缺失次毅然以續修
為已任爰率縣之學官及賢士廣搜
葺嚴讎校訂舊志之疎舛補百年之

缺佚梓工未授先脫稿就余商確余
知浪邑境內素以水利為先務因三
江口係諸河匯流導之而農田灌溉
多利忽之而村野漫溢滋患昔人詳
其患而不詳其治是編獨加意於斯
具見作者因地制宜經濟設施已握

其要其餘志紀諸大端輿地本於天
成則以疆域為首庶政莫先於設施
故繼之以建置重賦役以明粒食之
源崇學校以覘風化之盛祠祀所以
庇民官師所以治民推而至於用人
行政之本曰選舉曰人物終之以藝

文雜著藉著作以資考證也紀軼事
以佐監戒也列十志晰為三十四事
簡而賅曲而中較舊志為完善洵足
信而今傳後於此知君之心力深矣
且知君之政教為可風矣邑之士民
知所觀感興起沐浴

聖澤淵耀光明蒸蒸日上正於此志
之成觀其盛而君大有造於斯邑者
豈淺鮮哉是為序

道光二十二年壬寅冬大理府知府
仁和關炳譔

重修浪穹志序

縣之有志亦縣之史也採風者於斯
觀政者亦於斯蓋鄉曲之士足不越
里閭即一縣之利弊尚有未能周知
者况越數千里而治人舍是書其何
所資以考核哉浪穹縣志創於明神

宗時邑人邦漸何君其於當時硃課
之賠累條編之滋弊以及溝渠水道
無不痛切言之以冀當事者之補救
洵有關政治之書也迨康熙間邑人
象岳李君就何君之書重加編次惟
致詳於山川風土人物藝文而政治